

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak

**o odbacivanju Prijave koncentracije
privrednog subjekta Nestlé S.A., 55 avenue Nestlé, 1800 Vevey, Švicarska**

**Sarajevo,
Septembar 2011. godine**



Broj: 05-26-1-013-11-II /11
Sarajevo, 29.09.2011. godine

Na osnovu člana 25. stav (1) tačka e), člana 42. stav (2), u vezi s čl. 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Nestlé S.A., 55 avenue Nestlé, 1800 Vevey, Švicarska, kojeg zastupa advokat Branko Marić, Mehmeda Spahe 26, Sarajevo, zaprimljenoj dana 01.07.2011. godine pod brojem 05-26-1-013-II /11, Konkurencijsko vijeće, na 17. (sedamanestoj) sjednici održanoj dana 29.09.2011. godine, je donijelo

Z A K L J U Č A K

1. Odbacuje se Prijava koncentracije privrednog subjekta Nestlé S.A., 55 avenue Nestlé, 1800 Vevey, Švicarska radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 01.07.2011. godine zaprimilo Prijavu namjere koncentracije (u daljem tekstu: Prijava) od strane privrednog subjekta Nestlé S.A., 55 avenue Nestlé, 1800 Vevey, Švicarska (u daljem tekstu: Nestle ili Podnosilac prijave) kojeg zastupa advokat Branko Marić, Mehmeda Spahe 26, Sarajevo, kojom isti namjerava kupiti privredni subjekat Centro-Spice d.o.o. Beograd, Surčin, Dobanovački put bb, Republika Srbija (udaljem tekstu: Centro-Spice ili Ciljno društvo) od privrednog subjekta Centroproizvod a.d. Beograd, Dobanovački put bb Beograd, Republika Srbija (u daljem tekstu: Centroproizvod ili Prodavac).

Podnosilac prijave je dopunio Prijavu podnescima broj: 05-26-1-013-1-II/11 od 07.07.2011. godine, 05-26-1-013-2-II/11 od 28.07.2011. godine i 05-26-1-013-3-II/11 od 04.08.2011. godine. Konkurencijsko vijeće je utvrdilo da Prijava nije kompletna i uredna u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10) te je zatražilo dopunu iste, dana 16.08.2011. godine aktom broj 05-26-1-013-4-II/11. Podnosilac prijave je istu dopunio dana 24.08.2011. godine podneskom broj 05-26-1-013-5-II/11 11 i dana 02.09.2011. godine podneskom broj 05-26-1-013-6-II/11.

Nakon kompletiranja Prijave, Konkurencijsko vijeće je Podnosiocu prijave izdalo Potvrdu o prijemu uredne i kompletne Prijave u smislu člana 30. stav (3) Zakona, dana 22.09.2011. godine pod brojem: 05-26-1-013--II/11.

Prijava koncentracije je podnesena u zakonom propisanom roku, u smislu člana 16. stav (1) Zakona o konkurenciji.

Podnosilac prijave je u Prijavi naveo, u smislu člana 30. stav (2) Zakona, da je podnio zahtjev za ocjenu koncentracije tijelima ovlaštenim za ocjenu koncentracije Crne Gore i Republike Srbije.

1. Učesnici predmetne koncentracije

Učesnici koncentracije su privredni subjekti Nestlé S.A., 55 avenue Nestlé, 1800 Vevey, Švicarska i Centroproizvod a.d. Beograd, Dobanovački put bb Beograd, Republika Srbija i Centro-Spice d.o.o. Beograd, Dobanovački put bb Surčin, Beograd, Republika Srbija..

1.1. Privredni subjekt Nestle

Privredni subjekt Nestle je dioničko društvo registrovano 19.07.1905. godine u skladu sa zakonima Švicarske, sa sjedištem u 55 avenue Nestlé, 1800 Vevey, Švicarska. Društvo je upisano u švicarski trgovački registar pod brojem CH-550-0067293-5.

Vlasnici privrednog subjekta Nestle su dioničari, kojih po procjenama Podnositelja prijave ima oko (..)*¹, i nijedan ne posjeduje direktno ili indirektno više od (..)%*dioničkog kapitala.

Pretežne registrovane djelatnosti privrednog subjekta Nestle su učešće u industrijskim preduzećima, preduzećima za pružanje usluga, komercijalnim i finansijskim preduzećima u Švicarskoj i inostranstvu, naročito u oblasti prehrane, zdrave ishrane, zdravlja, blagostanja i povezanih industrija.

1.1.1. Povezana društva privrednog subjekta Nestle na tržištu Bosne i Hercegovine

Privredni subjekt Nestle je prisutan na tržištu Bosne i Hercegovine putem povezanih privrednih subjekata Nestle Adriatic B&H d.o.o. Sarajevo, Fra Andela Zvizdovića 1/13 B, Sarajevo i Nestle Ice Cream B&H d.o.o. Bijeljina, Agrotični centar lamela 1,2, Bijeljina.

Privredni subjekt Nestle Adriatic B&H je registrovan kod Općinskog suda u Sarajevu pod brojem 65-01-0625-10, i u vlasništvu je privrednog subjekta Nestle.

Pretežne registrovane djelatnosti privrednog subjekta Nestle su u proizvodnji prehrambenih proizvoda i ostaloj trgovini hranom, pićima i duhanskim proizvodima u specijaliziranim prodavnicama.

Prema podacima iz prijave privredni subjekt Nestle Ice Cream B&H d.o.o. Bijeljina više nije aktivan i biće izbrisan iz registra.

1.2. Privredni subjekti Centroproizvod i Centro-Spice

Privredni subjekt Centroproizvod a.d. Beograd, Dobanovački put bb Beograd, Republika Srbija registrovan je kao dioničko društvo pod brojem 07040580 pri Trgovačkom sudu u Beogradu 09.04.1976. godine na adresi Dobanovački put bb Surčin-Beograd, Republika Srbija.

Većinski vlasnik privrednog subjekta Centroproizvod je privredni subjekt Centro Hrana d.o.o. registrovan pod brojem 17535838 pri Trgovačkom sudu u Beogradu 01.12.2003. godine na adresi Dobanovački put bb Surčin-Beograd, Republika Srbija. Vlasnik 73% udjela u kapitalu privrednog subjekta Centro Hrana d.o.o. je privredni subjekat Property Plus Establishment, P.O. Box 129 Vaduc, Lihtenštajn, registrovan kod Ureda za zemljišne knjige i javne registre Kneževine Lihtenštajn pod brojem registra FL-0002.284.133-0, dana 07.10.2008. godine.

¹ (..)*Podaci predstavljaju poslovnu tajnu, u smislu člana 38. Zakona o konkurenciji

Privredni subjekt Centro-Spice d.o.o. Beograd, Surčin, Dobanovački put bb, Republika Srbija registrovan je kao društvo sa ograničenom odgovornošću pod brojem 20736704 pri Trgovačkom sudu u Beogradu 11.05.2011. godine na adresi Dobanovački put bb Surčin-Beograd, Republika Srbija. Osnivač i vlasnik 100% udjela u ovom privrednom subjektu je Privredni subjekt Centroproizvod a.d. Beograd.

Privredni subjekat Centro-Spice je osnovan sa posebnom namjenom u cilju realizovanja predmetne koncentracije tako da isti nema ostvaren prihod u 2010. godini niti je sa svojim proizvodima prisutan na relevantnom tržištu. U svim narednim analizama kao relevantni podaci uzeti su podaci privrednog subjekta Centroproizvod a.d. Beograd, kao prodavca u predmetnoj koncentraciji i osnivača ciljnog društva.

Pretežne registrovane djelatnosti privrednih subjekata Centroproizvod i Centro-Spice je proizvodnja ostalih prehrambenih proizvoda.

Prema podacima iz prijave niko od navedenih privrednih subjekata pojedinačno ili zajedno nema više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

2. Pravni okvir ocjene predmetne koncentracije

Konkurencijsko vijeće u postupku ocjene predmetne koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

Konkurencijsko vijeće, u skladu sa članom 43. stav (7) Zakona, pri izračunu ukupnih godišnjih prihoda učesnika koncentracije je koristilo kriterije i standarde Obavijesti Europske komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

3. Pravni osnov koncentracije

Pravni osnov koncentracije je Ugovor o kupoprodaji udjela zaključen dana 16.06.2011. godine između privrednog subjekta Nestle kao kupca i privrednog subjekta Centroproizvod kao prodavca, kao i privrednog subjekta Centro Hrana kao jemca.

Ovim kupoprodajnim Ugovorom kupac stiče (..) %* udjela u kapitalu privrednog subjekta Centro-Spice koje je prodavac osnovao sa posebnom namjenom u cilju realizovanja predmetne transakcije i u koje će prodavac unijeti proizvodne linije za slijedeće kategorije proizvoda: univerzalni i monokomponentni začini, smješe za pripremu jela, dehidrirane supe, hladni sosevi, kocke za kuhanje, čokoladni napici, čokoladni namazi, čokoladice, čajevi, konzervisano povrće i osnovne namirnice.

4. Relevantno tržište učesnika koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Na osnovu svega navedenoga, a uzimajući u obzir podatke iz prijave o predmetu poslovanja učesnika koncentracije, a posebno grupe proizvoda koji se preklapaju na tržištu Bosne i Hercegovine relevantnim tržištima proizvoda mogu se smatrati tržišta: začina, smješa za pripremu jela, dehidriranih supa, hladnih soseva, supa za kuhanje, čokoladnih namaza, čokoladica i čokoladnih napitaka.

Relevantnim tržištem u geografskom smislu smatra se tržište Bosne i Hercegovine s obzirom da su relevantni proizvodi dostupni na cijeloj teritoriji Bosne i Hercegovine.

Slijedom navedenog, relevantna tržišta predmetne koncentracije su tržišta prodaje začina, smješa za pripremu jela, dehidriranih supa, hladnih soseva, supa za kuhanje, čokoladnih namaza, čokoladica i čokoladnih napitaka u Bosni i Hercegovini.

5. Analiza relevantnog tržišta

Tržišni udjeli privrednih subjekata učesnika koncentracije na relevantnim tržištima na dan 31.12.2010. godine, prikazani su u narednoj tabeli:

Tabela 1.

R. broj	Relevantno tržište	Tržišni udio (%)		
		Nestle	Centroproizvod	Zajedno
1.	Začini	-	(..)*	(..)*
2.	Smješe za pripremu jela	(..)*	(..)*	(..)*
3.	Dehidrirane supe	(..)*	(..)*	(..)*
4.	Hladni sosevi	(..)*	(..)*	(..)*
5.	Supe za kuhanje	(..)*	(..)*	(..)*
6.	Čokoladni namazi	-	(..)**	(..)**
7.	Čokoladice	(..)*	(..)*	(..)*
8.	Čokoladni napici	(..)*	(..)*	(..)*

Izvor: podaci iz Prijave; **Prodaja čokoladnih namaza u 2010 . godini iznosi svega (..)* t ((..) EUR)* što je zanemariva količina u poređenju sa konkurentima

Analizom navedenih podataka Konkurencijsko vijeće je utvrdilo da zajedničko tržišno učešće učesnika koncentracije na relevantnim tržištima nije veće od 40%.

6. Obaveza prijave namjere koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta, učesnika koncentracije ostvarena prodajom roba i/ili usluga na tržištu Bosne i Hercegovine, iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2010. godine:

Tabela 2.

Ukupni prihod (KM)		
Naziv privrednog subjekta	Svijet	BiH
Nestle Grupa	(..)*	(..)*
Centroproizvod	(..)*	(..)*
Centroproizvod Grupa	(..)*	(..)*

Izvor: podaci iz Prijave

Godišnji prihod učesnika koncentracije predstavlja ukupan prihod (bez poreza na dodatu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

Analizom navedenih podataka utvrđeno je da učesnici predmetne koncentracije ne ispunjavaju uslove iz člana 14. stav (1) tačka b) Zakona jer ukupan prihod privrednog subjekta Centroproizvod ostvaren prodajom roba i/ili usluga na tržištu Bosne i Hercegovine iznosi manje od 8.000.000,00 KM (Tabela 2.), a zajednički tržišni udio učesnika koncentracije na relevantnim tržištima nije veći od 40,0%, te shodno tome, isti nisu bili obavezni podnijeti Prijavu.

7. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

dr. Stjepo Pranjić

Dostaviti:

- Podnosiocu prijave putem punomoćnika
- u spis
- a/a